


# 大日本史

五十八

第一百二十九卷 列傳  
 藤原冬緒 安倍貞行 在  
 原行平 藤原山陰  
 第一百三十卷 列傳  
 藤原保則 小野春風  
 第一百三十一卷 列傳  
 藤原良房 藤原基經

和書門	類	一二八七一號	函	架	冊
		五〇	五	五	五

庫	文	閣	內閣文庫
三六九函	一五〇冊	一二八七一號	番號 和 12871
三架	冊	號	冊數 150(58)
			函號 269 20






大日本史卷之

一百五十九

淺草文庫



從三位源光圀

修

男權中納言從三位綱條 校

玄孫權中納言從三位治保重校

藤原冬緒

安倍貞行

在原行平

藤原山陰

大日本史 卷一百五十九 川傳

藤原冬緒參議麻呂曾孫父豐伴豐後守豐

伴尊卑分脈作豐冬緒承和中為勘解由判

官除式部大丞補藏人公卿補任十四年授從五

位下為右少辨嘉祥中歷伊勢介續日本後紀

宮亮仁壽齊衡間進左少辨從五位上為肥

後守文德實錄貞觀初入為右中辨帝始讀孝經

冬緒與大江音人侍之是歲敘從四位下尋

為太宰大貳歷彈正大弼右大辨兼勘解由

長官美濃權守十一年復為太宰大貳拜參

議十二年上書陳四事一曰凡軍旅之儲烽

燧尤切而數十年來國無機警雖有其備未

知調用若有非常何以通知今須下知管內

國島試舉烽燧彼此相通以備不虞若不言

其由恐驚動衆心望請下知事由依件調練

二曰比年之間公私雜人或陸或海深入遠

尋營求良馬出關之數凡千餘匹夫機急之

備馬尤為用而無賴之徒每歲搜取若有罄

乏如非常何今將施禁制翻致謗讟望請下

知豐前長門二國四年之間禁止出馬三日  
諸國雜米各隨其本色輸納諸司諸所而或  
諸司全納用盡或諸所多致未進公途有闕  
至有期會不得廻撥望請庸米雜米總納稅  
庫自非符宣不得輒用四曰穀倉院地子交  
易物比年閒令監一人勾當其事每年交易  
輕物輸進因茲勾當之人年初請領直稻其  
後府司責其返抄而左右巧容不肯究進遂  
使不知之吏招放還之煩熟尋其由理不可

然凡一官之事官長所行縱有其人何患不  
濟而更置專當還致物煩望請當從停止府  
司一向交易奉進詔從之明年敘正四位下

三代實錄

尋遷民部卿十七年兼伊豫權守

公卿補任

帝讀史記詔冬緒特侍其席明年敘從三位

三代實錄

兼播磨權守

公卿補任

元慶中累表請致仕

不許拜中納言敘正三位詔檢校河內和泉  
兩國遙攝其事頒下國司聽其處分數年轉  
大納言上表辭之不許尋兼彈正尹仁和三

年累請致仕。上表曰：臣懸車之期一過，歸鞵之望彌深。叩重闈而未通，叫層昊而無聽。臣舊無耆耄之德，猥居獻宣之官。少不如人，追感燭武之語。老而彌耄，猶恥趙孟之談。故流水不迴，空起歎於川上。漏箭已盡，豈犯罪於夜行。伏念祿俸者士之所貪求也，聖明者代之所希出也。臣以八十年之殘息，遇一千歲之惟新。方當惜此下春之景，圖彼上庠之榮。疲驂解駕，暫徘徊於層軒之前。涼燕辭巢，猶

栖遲於廣廈之下。而月制初迫，氣力不隨。心識之內，邈如河山。手足之間，遠同楚越。仰北闕而隔趨拜，望東岱而催歸魂。撫躬懷辱，兢兢於素餐之惶。揣分知歸，遑遑於青蒲之請。伏冀降油雲之澤，感匪石之祈。務帶彤闈，歸步素里。收龍章之妄寵，就芟服而待終。豈比掛冠都門，疏傳遺漢朝之榮貴。竊慕擊壤野外，逸老樂堯年之餘生。詔許之。三代實錄寬平二

年薨。年八十二。

公卿補任，一代要記。○按本書享年前後矛盾，今據補任。

大同三年戊子生及要記子灌木大學助元慶元年七十之文訂之卑尊

分服

安倍貞行大納言安仁子也三代實錄仁壽中為

右衛門權佐檢非違使齊衡天安間轉左衛

門權佐為大和守文德實錄貞觀初任刑部大輔

為攝津守丁母憂解職詔起之十四年授正

五位下為陸奧守及拜辭引而升殿賜飲及

御衣明年奏曰爵祿之興為優功績然則授

敘之事當必其人而比年國司不依勞効任

意授爵由是預祿者眾調物減耗所司勘出

歷代不絕望請夷俘位階每年立敘法選有

功之胤隨年死之闕敘補二十人已下又曰

國中之政莫重收納然則分配之吏可勤其

事而任用之官未必其人或被誘郡司稅帳

納藁為稻或見賂富饒酋豪以虛為實須據

格旨必科其罪而偏貪俸料不畏有罪望請

奪致虛納欠損國司之公廨先補所欠然後

科責若欠物巨多公廨數少長官已下相共

填納、元慶中敘從四位上、任太宰大貳、詣闕  
 辭見、賜御衣一襲、拜舞而出、親王公卿參侍  
 仗下、遮留貞行餞之、以內藏錢一萬充圍碁  
 賭物、酣暢而罷、先是少貳藤原房雄行、警固  
 事、遷任肥後守、無人勾當、貞行奏請器仗烽  
 候、是長官之職、然則警固有例、何必別配勾  
 當、宜停少貳勾當、府司隨宜處置、又令筑後  
 豐後兩國長官、先經府司、後聽入京、若無府  
 解、不得輒發、敕從之、三代實錄

在原行平、阿保親王第二子也、初為諸王、天  
 長中阿保上表請子男賜姓、行平兄弟賜姓  
 在原朝臣、三代實錄承和中補藏人、公卿補任敘從五  
 位下為侍從、續日本紀累遷右近衛少將、齊衡  
 中除因幡守、天安元年為兵部大輔、尋轉中  
 務、任左馬頭、文德實錄貞觀中遷左兵衛督、歷播  
 磨信濃備前備中四國守、敘正四位下、任參  
 議、三代實錄備中為檢非違使、別當左衛門  
 督、公卿補任補藏人頭、參議補藏人頭、是為始、公卿

補任藏人補任尋敘從三位任太宰權帥先是漕筑

前肥前等六國穀為對馬年糧年中漂沒者十之六七行平奏請停六國運漕發其民營壹伎水田為對馬年糧停壹伎年貢課之六國又肥前松浦郡庇羅值嘉二鄉產奇石香藥唐人來者多採之新羅人掠奪貢船者亦經此島行平奏請曰檢案内元有九國三島至于天長元年停多嶺島隸大隅國是止貢鹿皮百領費三萬六千餘束稻之故也今此

二鄉地勢曠遠戶口殷阜又土產所出物多奇異而徒委郡司恣令聚斂彼土之民厭私求之苛切欲貢輸於公家總是國司難巡檢鄉長少權勢之所致也加之地居海中境隣異俗唐人新羅人來者本朝遣唐使等莫不經歷此島府頭人民申云去貞觀十一年新羅人掠奪貢船絹綿等其賊同經此島來以此觀之此地則當國之樞轄宜擇令長以慎防禦又人民等言唐人必先到此島多採香



藥以加貨物不令此間人民觀其物且海濱多竒石或鍛鍊得銀或琢磨似玉唐人取其石不曉土人以此言之委不以其人之弊大都如此望請合二鄉更建二郡號上近下近便爲值嘉島新置島司郡領任土賦貢但其俸料舉定正稅公解之間令兼任肥前國權官公卿議奏曰聖人濟世以便物爲先明王馭民以制宜爲貴今行平所請二條欲省運漕之費存任土之規臣等高量營水田充年

糧事乖仍舊謀合權宜試許二年先明息耗合兩鄉爲一島苟謂利公豈期膠柱宜隨其所陳允之元慶中兼治部卿任中納言敘正三位遷兼民部卿三代實錄上表辭曰臣行平伏奉今月九日詔旨以臣爲民部卿恩暄冬日懼切春冰三省而慙一身無膺臣謹檢人民損益倉庫盈虛雖繫國吏之常憂復關所司之明察既往任此職者皆是詳通政事廣蹈吏途僉曰之容具瞻所屬而已臣累佩銀魚

久忍尸素、縱期粉骨、已無才智之可施、空叩  
 丹心、唯有老病之相迫、上畏玄鑿、下愧蒼生、  
 伏願陛下曲迴聖恩、罷臣所職、勿俾微臣為  
 天工之盜、機要為閑曠之官、不許、三代實錄  
管家文草  
 仁和初、兼陸奧出羽按察使、尋上表曰、臣聞  
 年滿致仕、人臣之定節、職罷賜聽、人君之恒  
 規、仰恒規於歸骸、行瞻自盡、知定節於止足、  
 趨走何堪、臣誤藉時來、枉登華顯、寵光之榮、  
 已極盛於生成、鴻霈之潤、甚深過於涯分、今

臣齡至七旬、位高三品、薄冰隨步、迷鐘鳴於  
 夜行、玄鑿承顏、恐漏盡於陰罪、流汗於絳縣  
 老、臣性愚蒙、同貌於白首郎、臣鬚霜雪、逢名  
 遂之時、行身退之道、臣本聞焉、當懸車之年、  
 負竊位之責、臣所愧矣、伏願陛下養臣以罷  
 所職、優臣以賜放歸、令老有所終、責得所塞、  
 不勝悃欵之至、敕曰、卿松柏之貞、珪璋其德、  
 憂國每形於顏色、愛君無惜其腎腸、而能屈  
 伸有常、終始以道、謙謙援古人之義、汲汲興

大耄之嗟、雖知卿有懇誠、寧使朕無喉舌、卿其抑知止、絕遺榮、勉體虛懷、仍斷固請、魏陽元之就第、當卜後年、薛廣德之懸車、莫視今日、再表曰、臣行平言、中使左近衛少將藤原朝臣高藤至、伏奉敕旨、不聽臣致仕、抑遏臣乞身、綸綍出而成文、恩湛垂露、毫毛酬而無効、首戴高山、臣尸素尚矣、妄濫虞舜之官、老耄及焉、空忝王戎之任、焦思之憤已滿、將稅累於薄韋、噬臍之悔不休、願避路於振領、苟

守職之成達、更策名而何取、况臣負薪寄質、伏枕留魂、每歎蒲柳之委風、唯感葵藿之向日、誠切莊舄、欲表戀越之聲、苦同劉公、遂移卧漳之病、今陛下優臣、既以國士之分、臣訴陛下、豈以衆人之心、雖云跼躅迷方、寒溫乖適、不忘奉身而退、猶甘量力而行、臣情見於辭、淚隨於汗、宸嚴鑒實、恩許罷官、詔不許、又上表曰、臣重累表章、反覆祈請、愚誠難達、聖瞳未回、適承宣喻、雖感亭育之仁、敢布腹心、

庶收號令之汗、臣留形於藥劑之中、託命於桑榆之際、老之云至、嗟呼命矣、況位望甚高、榮達之分有限、年毛已滿、危淺之生不常、當陛下晏食宵寐之勞、微臣不勝趨拜、顧微臣尸位曠官之責、陛下必賜哀憐、臣匪席之誠、豈卷舌於殘喘、臣結草之念、將酬恩於枯骸、伏願陛下知臣赤心、察臣丹悃、褰冕旒於一日、勿奪宿志於匹夫、詔許之、三代實錄寬平五年薨、年七十六、公卿補任嘗奏創辨學院於左京三

條

西宮記拾芥鈔

子遠瞻、右近衛將監

三代實錄

友于、參

議太宰權帥

公卿補任

藤原山陰、左大臣魚名玄孫

尊卑分脈

父高房、越

前守、山陰齊衡、天安間、歷左馬大允、右近衛

權將監、補藏人、敘從五位下、為備後權介

公卿

補任貞觀中、遷右近衛權少將

三代實錄

復補藏人

公卿補任兼美濃守、尋敘從四位下

三代實錄

擢藏人

頭、公卿補任兼右近衛權中將、及陽成帝立、奉仕

太上皇、上表請賜本品秩、罷中將、不許元慶

元年上表曰姑山之下既非多士之林魏闕  
之前自是羣材之府仍辭帝闈請奉仙闈而  
人願至切天從未彰伏願天恩假以殊貸停  
臣中禁八屯之將終臣外州四年之秩則上  
有成功之慈下無忘恩之累詔許之為右大  
辨表辭不許三年又請解職不許尋拜參議  
及檢校諸國班田山陰領攝津遙攝其事仁  
和二年敘從三位任中納言兼民部卿三代實錄  
四年薨年六十五公卿補任山陰建祠於吉

田以祭春日明神至今崇奉相繼大鏡世傳山

陰能割魚鳥時人稱得庖丁術藤原系圖子有賴

從五位下但馬守公利從四位下但馬權守

遂長從五位下主殿頭言行正五位下左近

衛將監兼三從四位下陸奧守仲正從四位

上左京大夫攝津守僧如無大僧都尊卑分脈持

律精苦穎敏過人宇多法皇酷重之源平盛衰記○

十訓鈔曰山陰赴筑紫見漁者捕龜將殺之

憫而買之放去後攜嬰兒浮海妻惡非已出  
與乳母謀為誤失手墮海頃之一大龜負兒  
而出得不死所謂兒即如無也盛衰記亦載



此事為所生母嘗如無子在衡自有傳

大日本史卷之一百二十九終

大日本史卷之一百三十

列傳第五十七

權中納言從三位源光圀 修

男權中納言從三位綱條 校

玄孫權中納言從三位治保重校

藤原保則

小野春風

藤原保則右大臣繼繩曾孫尊卑分脈父貞雄左

兵衛佐保則齊衡中歷治部民部大少丞貞

觀初轉兵部大丞、遷式部少丞、公卿補任八年敘

從五位下、為備中權介、三代實錄先是亢旱飢饉、

道殣相望、羣盜公行、邑里蕭條、英賀哲多二

郡、在山谷間、去府稍遠、郡民或劫掠相殺、或

逋租逃散、境內丘墟、無有單丁、前守朝野貞

吉為治苛酷、郡司有小罪者、皆著鉗鈇、人民

犯纖毫者、捕案殺之、囚徒充獄、僵尸塞路、保

則到任之初、施以寬政、宥小過、存大體、放散

徒隸、綏撫賑恤、勸農桑、禁遊費、於是百姓襁

負來附如歸、田園盡闢、戶口殷阜、門不夜扃、

賦稅倍入、遂受租稅返抄三十四年、受調庸

返抄十一年、自古以來、未嘗有此類也、十三

年以勞敘從五位上、三善清行所任備中守、著保則傳


公卿補任○按保則傳云、即遷備前介、據下文、公在備前、一如在備中、補任所記是也、今

從十六年轉備前權守、政績一如在備中、凡

厥僚下、若有姦伏、不加發擿、竊語之云、君久

疲學宦、初得此官、必當立廉節、勉取榮譽、豈

可滯一州小吏乎、然而上養父母、下給妻子、



大日本史 卷一百三十一 列傳 三  
撓性屈心受此濁穢是皆貧窶之憂羈累善  
人僕有薄俸隨君所須以資之謹勿犯官物  
卽分與其俸於是風化大行吏民畏愛號曰  
父母備前備中界上有吉備津彥神國有水  
旱則躬往禱之必致感應若境中有姦者神  
必罰之神嘗見形語云感公德化冀助公爲  
治終此善績由是治化兩國年荐豐穰百姓  
和樂時安藝盜憑險劫備後調絹而逃過備  
前石梨郡問逆旅主人曰此國太守政績何

似對云府君化民專用仁義一國之人盡爲  
廉潔恩信之感自通神明故國有姦盜者吉  
備津彥神立降誅罰其語及其治化本末盜  
色大變終夜歎息不寢向曉馳詣府門叩頭  
自首云小民無狀略奪備後官絹四十匹改  
過服罪願賜生命保則召盜語曰汝知向善  
終非惡人卽與米糧封贓絹付盜移備後僚  
下皆云姦盜恐不達彼國保則曰彼旣改心  
歸誠豈更有變乎盜得移文遂送備後守小



野喬查怪且喜，即放盜，自詣備前拜謝。其以德感人，皆此類也。十七年秩滿歸京，兩備之民悲號遮路，戴白者各捧酒肴，拜伏道左。保則謂老人之心不可違，爲之留連數日。相次競至，不可遏止。保則乃竊乘小船而去。有從者未到者，暫泊和氣郡方上津，備前郡司等聞其無糧儲，漕白米二百石至泊處。保則感其志，受之不辭。郡司等意此人過廉，必不受。及聞此報，大悅。頃之保則與國講讀師書曰：

舟中頗有怪，風浪叵測。望率僧徒來會津頭，以禱海行。講讀師率國分僧至，保則語曰：願諸僧各誦般若心經一遍，足矣。即以米悉與之。夜中舉帆而去。十八年任右衛門權佐，兼檢非違使。保則語所親曰：昔者帝堯之民，比屋而封之。時臯陶以大賢爲獄官，若有疑罪，則令獬豸決之。豈有枉濫之罪？保則傳○按本書此下關無所尋爲民部大輔，明年轉右中辨公元慶二年出羽夷叛，燒秋田城，出羽守藤原補任

興世戰數不利

三代實錄

右大臣基經密召保則

命招討之任保則辭曰非敢愛惜微軀恐貽

朝廷之耻基經曰自天智天皇時藤氏世立

勳績朝所倚賴方今身非伊周忝攝冢宰遭

此寇亂內慙外懼瓜葛之義君亦可悉願盡

智謀勿爲飾讓保則曰必不得已可用愚計

者冀露肝膽無有所隱恐殿下不能用耳基

經迺推誠問計保則曰蝦夷內附以來漸二

百年畏服朝威無有寇逆如聞秋田城司良

岑近者聚斂無厭徵求萬端故壘怨積怒以

致反叛夷種衆多遂相合從賊徒數萬窮寇

死戰一以當百難與爭鋒如今之事者雖坂

將軍再生不能蕩平若教以義方示以威信

播我德音變彼野心不用尺兵大寇自平基

經曰善保則曰今雖以恩信化之而醜類衆

多猶有不馴服者可以兵威臨之前左近衛

將監小野春風累代將家驍勇軼人前年頻

遭讒謗免官家居願先令春風率精兵示以

朝廷之威信、然後以德招致、不歷數月、自應  
 銷散、基經大悅、加保則正五位下、即以右中  
 辨兼出羽權守、擢春風為鎮守將軍、及陸奧  
 介坂上好蔭、皆受保則節度、傳保則左衛門權  
 少尉清原令望為權掾、右近衛將曹茨田貞  
 額為權大目、並帶本官、以討叛夷、乃救出羽  
 國司曰、近日夷虜凶逆、殘害不止、仍以保則  
 任彼國權守、宜從指麾、勿失警備、三代實錄保則  
 奉詔進發、晝夜兼行、道遇飛驒、相繼報夷虜

強盛、官軍屢敗、城堡失守、羣隊陷沒之狀、從  
 騎十餘人、皆無不褫魂奪氣、而保則容色不  
 變、略無畏憚之意、傳保則既而到出羽、遣權掾  
 文室有房、清原令望、上野押領使權大掾南  
 淵秋鄉等、率上野見到兵六百餘、屯秋田河  
 南、拒賊於河北、時秋田城下上津野火內相  
 淵等十二村、為賊所據有、添河霸別助川三  
 村、夷俘歸順之地也、即令三村俘囚並良民  
 三百餘人、拒賊於添河、次攻雄勝、後將侵府、

雄勝城承十道之大衝、最爲要害、仍遣左馬  
權大允藤原滋實、及茨田貞額等、以雄勝平  
鹿山本三郡不動穀、給郡內及添河霸別助  
川三村俘囚、慰喻其心、勉勵之、俘囚深江禰  
加止、玉作正月麻呂等、感其恩賚、誘三村俘  
囚二百餘人、夜襲殺賊八十人、燒其糧食舍  
宅、邊民聲言、津輕夷狄與出羽賊同謀、或云  
不同、保則以爲若不同、則上野軍足以討滅  
之、若同則雖大兵臨之、難可輒制、上野下野

陸奧三國軍士總四千人、其陸奧軍先旣亡  
歸、上野軍且來六百人、下野軍雖入界、未知  
強弱、津輕夷俘、其黨多種、不知幾千人、天性  
勇悍、慣習戰鬥、若速逆賊、其鋒難當、乃奏請  
常陸武藏兩國軍合二千人、以戒備非常、廷  
議敕符曰、以夷狄攻夷狄、中國之利也、今覽  
來奏、給官米穀於雄勝郡俘囚、多破賊徒、此  
計之上者也、亦省來奏、津輕夷虜、天性麤獷、  
若速凶類、實爲難制、塞下流言、南北異口、或

云既同、或云未同、請發常陸武藏等兵、以備  
非常、今如奏狀、同否未審、若果不同者、所率  
見兵、可得摧破、加之小野朝臣春風、坂上大  
宿禰好蔭等、各領精兵、宜待軍到、振其威武、  
但豫敕諸國、簡勇敢士、若有危急、馳傳上奏、  
隨卽差發、赴救不晚、務運奇策、繫其狂心、八  
月敕曰、重省來奏、曲折具之、策用奇正、兵家  
所貴、今募俘虜、多殲醜類、雖是夷人慕義之  
至切、抑亦國宰撫馭之得方、臨機之略、實當

如此、其能仁法天等、忠誠頻著、聞而嘉之、克

遂功績、不亦美乎、

○按能仁法天、蓋歸欵、夷  
俘之名、而事迹無所考、

且春風好蔭等、取陸奥路入上津野村、與兩  
國兵夾攻首尾、今如來奏、已得要略、兵術雖  
多、制勝爲先、左之右之、隨宜禽賊、窮其巢窟、  
勿令逋脫、仍送綵帛一百四十匹於出羽、班  
給俘囚、又令越中越後二國送米各一千斛、  
以充軍糧、九月敕曰、所以遣春風等發精兵  
者、爲赴彼國之急、而今來奏、以爲賊氣已衰、

官軍思奮重之迎軍運糧爲煩不細因茲論  
之春風等之前却在彼國之強弱耳量勢施  
計不得遙度若當國之力足以制賊者移告  
而返之不必迎引且津輕渡島俘囚等所請  
之事以夷擊夷古之上計但野心難馴動靜  
易變偶生他意後恐難制宜量事勢隨便進  
止至于饗會狄俘非事之急若殄盡賊徒勞  
賜不晚今舉城燒亡無處會聚但拔有功者  
加其賞賜足以勸勵戎士何必大饗更致騷

擾乎且其殺獲生禽頗知破賊彌以勉勵速  
成大功州書頻奏驛使屢馳務施平寇之策  
勿以稽延歲月先是賊三百餘人來秋田城  
下請見僚佐乞降文室有房藤原滋實單騎  
直到賊所受其降是日權介坂上好蔭率兵  
二千人自流霞道至秋田營鼓譟而來盛建  
旗幟大觀威武既而鎮守將軍小野春風率  
兵四百七十人至秋田營北宣言春風銜詔  
先入上津野教喻賊類皆令降服於是賊酋

七人相從而來、保則揣其形勢、知有降心、然  
義從俘囚相謂曰、歸欵國家、賊之所怨、若不  
殄滅、後必相報、仇家多種、豈得不懼、加之乞  
降者、其體踈慢、不恊舊例、保則奏狀取決、十  
月、敕曰、夫兵凶戰危、先哲炳戒、事不獲已、乃  
用之耳、今逆虜悔過、請欲歸順、其於容許、有  
何不韙、但古之降者、去其甲兵、面縛待命、裁  
得制其死生、然後可謂降伏、歸降之法、若同  
舊制、可速容受、若懷兩端、言與事異、奮我兵

威、一舉誅滅、義從俘囚之言、不可不反覆觀  
德耀兵、隨機可施、慎莫信其虛詭、貽哂於後、  
十二月、降賊進所掠奪甲二十二領、言曰、皆  
悉截破、稱身約裁、一無全者、加之賊類、或入  
奧地、或所居隔遠、所遺甲冑、搜求追進、於是  
清原令望、藤原滋實、茨田貞額等議曰、今乞  
降之賊、二百人、所進之甲、二十有餘、賊多甲  
少、野心難測、疑是矯飾、須待後進計納、小野  
春風議曰、春風自入賊地、具知逆類悔過之

心、今亦蒙犯霜雪、乞降懇切、若懷疑慮、抑而不納、猶去逸就勞、非所以樂成、保則以為、令望之議、雖有理、春風之謀、非無權、遂加慰納、奏其狀、又奏渡島夷酋百三人、率種類三千人、詣秋田城、與津輕俘囚不連賊者百餘人、同歸聖化、若不勞賜、恐生怨恚、由是遣權介藤原統行、權掾文室有房、及令望滋實貞額等勞饗、三代實錄初春風至秋田營、挺身入虜軍、具宣朝命、如保則意、於是夷虜叩頭拜謝云、

異時秋田城司、貪慾暴獷、谿壑難填、若毫毛不恊其求者、楚毒立施、故不堪苛政、遂作叛逆、今將軍幸以天子恩命而詔之、願改迷途、歸幕府、乃競以酒食饗官軍、豪長數十人相率隨春風至出羽國府、保則召見慰撫、時有渠帥二人、不肯歸附、保則語諸豪長、二虜不來、汝意如何、皆云、殊自有謀、願暫垂寬假、後數日、斬兩夷首以獻之、保則即發使撫納餘種、自津輕至渡島、雜種夷人、前代未曾歸附



大日本史 卷一百三十一 河內傳

者皆盡內屬保則復立秋田城壘柵樓塹皆

倍舊制保則三年改權守為真保則傳公右

中辨如故保則三月驛奏曰征戰之弊非只

一途案去延曆年中所下當道陣圖以一萬

三千六百人為一軍分作三軍輜重八百人

擔夫二十人而今上野下野兩國之軍千六

百人輜重擔夫二千餘人好蔭所率之兵五

百人輜重擔夫千餘人因茲言之多違舊例

中國之軍去年七月到著陸奧之兵九月入

來會合參差整頓有妨或臨陣難列或聽鼓

易迷皆是忘戰日久習之令然也國內黎民

苦于苛政三分之一逃入奧地所遺之民承

數年之弊無自存之方况軍興以來運轉軍

糧去今兩年少時不息無用之卒騷動部內

待救之處還致巨害管最上郡道路嶮絕大

河流急中國之軍路必經此迎送之煩不可

勝計今重請大兵將討降虜國弊民窮難可

克堪若慰撫部內之窮卒檢出奧地之逃民

大日本史 卷一百三十一 河內傳

留中國之甲冑、選當土之例兵、則降虜雖反、不足復畏、因此變亂、不窮誅戮、恐綏御如失、邊難不絕、更發大軍、撲滅無燼、國家之長策、天下之上計也、臣等不敢專決、持疑於懷、進退之間、謹佇天策、詔令上野下野兩國在軍甲冑器仗留付、出羽六月又驛奏曰、臣保則等行事相違、兵威未振、適降恩詔、暫罷征討、逆類再生、平民復業、但臣等以為夷狄之性、強弱難測、朝為輕寇、夕甘重戮、縱請降之後、

如有小變、臣等恐偏慮存國、還陷罪戾、望更

賜天使檢察其事、

三代實錄

出羽民夷雜居、田地

膏腴、多產珍貨、豪吏兼并、私增租稅、恣加徭賦、權門子弟、年來求鷹馬、無有紀極、邊民愚朴、唯隨其求、不知所訴、由是編氓貧窮、姦猾多致富溢、保則嚴張憲法、有不法者、捕而案之、百姓安堵、邊庭清平、時陸奧夷虜有訟、皆至出羽取決、初保則在兩備、專以仁惠化之、及治出羽、嚴以理之、吏民有罪、無復所宥、四

年四月召入京、在朝卿相皆稱其勲績、保則辭謝云、此皆朝威之所致、非愚略之有施、是時天下皆以為保則不勞一卒、平定大寇、朝廷必當賞其殊勲、而以其辭讓、遂無優崇之制、良岑近貪婪致此寇亂、而亦無懲惡之典、由是眾議多譏基經、失刑賞、保則性樂靜默、不好劇務、屢陳基經、固辭辨官、五年任播磨守、○本書係四年、今從公卿補任、辭不赴、六年進從四位下、保則曰、年既老矣、當修功德

為真資、我聞讚岐多紙、又有能書者、當赴彼

國、書寫修多羅阿毗曇等、請為讚岐守、

○公卿補

任為兼讚岐權守

國民皆學法律、動成爭訟、自保則

入境、人皆知廉恥、風俗大改、秩滿歸京、居西

山別墅、無復出仕之志、仁和三年任伊豫守、

辭不赴、除太宰大貳、進從四位上、保則頻稱

病不肯就職、朝廷屢加慰喻、強以發遣、保則

在鎮府、政尚清靜、吏民感服、令行禁止、先是

姦猾猥聚鎮西、筑前筑後肥前三國、尤為羣

盜之藪澤，人有蓄積者，皆為殺略，鄉閭騷擾，道路隔絕，府官及國司發兵捕殺，不能禁止。保則蒞鎮，皆云宜多發軍士，悉誅鋤之。保則曰：吾聞渠帥率非編戶之民，或良家子弟，或舊吏僕從，逐衣食之利，取婚姻之便，寓居邊城，猶如桑梓，而比年不稔，生產失利，無賴之輩同惡相濟，國民赴之，大半為盜。今悉捕而殺之，則里落之內，聞然無人，縱有隣國之警，誰人城守乎？此輩未必懷凶狡之心，多是為


饑寒逼迫而已。若施以恩惠，自應食榘改音，即以其俸米賑贍三國，深加慰撫，賊徒大悅。相語曰：府君以父母之情遇我，我豈不盡孝子之志乎？相率改行，寬平三年，召為左大辨。

保則傳 ○本書此下有公被召入京之後，未歷數月，太宰府上奏之文，然文字殘缺，無所考正。今尋任參議，兼近江權守，遷兼民部卿。

七年卒，年七十一。公卿補任保則天性廉潔，以身化物，僚下有貪穢者，推誠教誨，若終不悛，不與之接言語，見其有一善，則喜見顏色，常稱


譽推舉助成其美。又有知人之鑒嘗在備中。小野葛絃年少為掾保則稱曰必當為天下循良之吏。又在讚岐時管原道真代為守保則竊語曰新太守當今碩儒非吾所測知。但見其志恐非明哲保身之士。後皆如其言。年未五十不近婦人。潛心佛教。尤熟空觀常誦金剛般若經。未嘗退倦。撰集諸家義疏以為一部。究討其義莫不該通。自未有疾。忽語人曰。死期既兆。何可終身於塵勞中乎。營一室於叡山東坂。薙髮為僧。晝夜念佛名。數月而逝。保則傳子清貫。昌泰延喜間累歷顯職。至正三位大納言兼皇太子傅。公卿補任延長八年震死於清涼殿。年六十四。公卿補任。扶桑略紀。

小野春風。從五位上石雄子也。三代實錄累世將家。驍勇超人。保則傳貞觀十二年敘從五位下。補對馬守。奏請二事。一曰軍旅之儲唯在介曹。介曹雖薄。助以保侶。請以調布縫造保侶衣千領。以備不虞。二曰軍興不虞。倍日兼行。



轉餉易絕，輜重難給，請以調布縫造納糒帶袋千枚，而令士卒帶之，以為急速之用。敕許之，以太宰府庫布造之。是月遷肥前權介春風兄春枝為陸奧權守。春風奏曰：往歲臣故父石雄家有羊革甲、牛革甲各一領，弘仁中在陸奧被其甲討平夷賊，厥後兄春枝進之官，願賜羊革甲以備緩急，歸京之日宜速納官。許之，以牛革甲給春枝。三代實錄稍遷為左近衛將監，被讒免官家居。保則傳元慶二年出羽

夷反，守藤原興世戰屢敗。三代實錄藤原保則薦春風於攝政基經。保則傳擢為陸奧鎮守將軍，賜甲冑一具，與權介坂上好蔭星夜進發，先入陸奧，各將精兵五百人救之。又敕須依格分付受領，而率將軍兵向出羽國，宜令前將軍安倍比高准見任例，暫行府政。既而春風至陸奧，保則遣出羽權掾小野春泉於鎮守府議軍事，未至，春風率兵四百餘，取陸奧路入上津野，宣諭恩詔，賊徒悉降。九月從上津



野至秋田營三代實錄春風少在邊塞能曉夷語

脫甲釋兵獨入虜軍具宣朝命保則傳於是夷

虜大服奉書乞降賊酋七人相從而降明年

六月引軍還仁和中敘從五位上至大膳大

夫攝津權守三代實錄為左衛門權佐政事要略古今和歌

集目錄兼檢非違使時朝廷禁衣服用深紅色

參議源光嘗著深紅襖子而出春風一見直

進跪光後請割其衣光默然歸第褫去不敢

復服用論者躱之政事要略寬平二年遷右近衛

少將陸奧權守兼讚岐權守昌泰初至正五

位下古今和歌集目錄

大日本史卷之一百三十終

大日本史卷之一百三十一  
 藤原基經  
 藤原基經字仲平  
 忠平孫濟時  
 忠平

大日本史卷之一百三十一

列傳第五十八

權中納言從三位源光圀 修

男權中納言從三位綱條 校

玄孫權中納言從三位治保重校

藤原良房

藤原基經

子仲平 忠平 孫濟時 忠平

藤原良房左大臣冬嗣第二子也 大鏡風韻俊

拔弱冠以選尚嵯峨皇女源潔姬 文德實錄 天長





中補藏人授從五位下公卿補任累遷任左近衛

權中將進從四位下承和中任參議敘從三

位遷權中納言兼陸奧出羽按察使尋兼右

近衛大將轉大納言兼民部卿上表請解兼

職不許嘉祥元年拜右大臣辭之表再上不

聽又表請減封戶之半不聽明年敘從二位

續日本紀仁壽齊衡間進正二位遷兼左近衛

大將文德實錄監修國史續日本後紀天安元年

拜太政大臣固辭表三上不允賜寶劍一雙

曰公宜佩此劍副朕懇情莫使蕭何獨擅美

漢家賜安車入朝固辭不受又表辭加封職

田資人帶刀等許之尋進從一位文德實錄及清

和帝即位賜帶刀資人三十人公卿補任貞

觀初請減祿辭資人帶刀許之封戶准左右

大臣五年賜宴內殿賀六十算賜賚每物皆

用六數明年帝幸漆殿花亭良房召文人賦

詩宴樂終日又御射場帝親射一發中鵠羣

臣稱萬歲良房欲帝知稼穡之艱難使山城

國司紀今守帥郡司百姓等行耕田之禮八

年敕攝行萬機○大鏡曰是良房上表固辭

敕曰迺者災異荐臻內外騷然須賴公助理

不許三代實錄十一年上續日本後紀本書先是

太政大臣封三千戶賜隨身資人及良房居

位固讓不當唯受千戶十三年再敕益封三

千戶准三宮給年官○按公卿補任大鏡裏

房攝政准三宮給年官年取賜內舍人二人左

右近衛各六人為隨兵及給帶仗資人三十

人良房又上表辭之不允固讓受二千戶敕

賜直廬於禁中十四年病篤詔曰酌訓皇源

淘風帝籙未有不施厚恩以崇盛德降殊貸

以慰元功者朕外祖父太政大臣藤原朝臣

功高三代位極上台仁襟被九州而有餘德

水霑千里而無盡自朕在襁緥以至今時言

其顧復保佐之勲豈以周旦漢光為伍朕念

不賞之功將加非常之寵知其至謙之性不

敢開口而言聊且欲縻爵加封以酬萬一而

損挹彌深、遜讓尤切、感夫乃情、不忍相忤、朕之庶幾、賴彼撝謙之誠、增其延壽之福、長生久視、輔導朕身、令若倚南山、坐平原也、是以屈己從人、不奪其志、恐天下以朕為不知恩也、而今寢瘵私第、日月彌留、珪幣相尋、祈禱未効、朕自鍾此患、寢食無安、心隨思焦、言與淚俱、深慮救復之方、誠無所不到矣、聞諸內經、度人歸道之功、能救人之厄命、又先王德政、議獄緩刑、矜老養孤、施斯仁貸、副朕篤情、

縱令病在膏肓、幸使鍼藥得力、宜賜度者八十人、又大赦天下、以救其疾、九月薨于東一

條第、三代實錄、東一條、第、據日本紀略、年六十九、大鏡裏書、公卿補任、

日本紀略、帝為輟朝三日、公卿補任、日本紀略、贈正一位、封


美濃公、謚忠仁、食封資人、並如生時、基經稱

良房遺命、上表辭食封、因救給位、封國、封以

其愛宕墓、列荷前例、幣之數、三代實錄、世稱染殿

大臣、或稱白河殿、公卿補任、大鏡、元慶中、詔置守冢

一戶、三代實錄、女明子、潔姬所生也、入文德宮、生



清和帝、帝生而九閱月、立為儲貳、文德帝素  
 愛惟喬親王、以東宮尚幼、欲先立惟喬、待其  
 長而傳位、然憚良房未決、大鏡帝崩、良房輔  
 立幼主、綜理朝政、初清和帝生育于良房第、  
 及登極、念其舊恩、親任尊寵、始終不渝、攝行  
 萬機、前後十五年、位極人臣、權歸其家、據三代實  
錄子孫相繼為攝關、藤氏之昌大、實基于此、  
大鏡無子、以兄長良子基經為後、藤原系圖、  
 藤原基經、小名手古、大鏡仁壽元年冠于東

宮內寢、帝親臨之、公卿補任、尊卑、敘正六位

上、文德實錄齊衡、天安間、歷左兵衛少尉、少納言

左近衛權少將、補藏人頭、貞觀中、轉中將、為

參議、三代實錄、左兵衛少尉、伴善男之誣源

信也、藤原良相信之、命基經收信、基經意其

有奸、告之良房、良房營救甚力、信遂獲免罪、

大鏡是歲、進從三位、拜中納言、三代實錄明年特

敕兼左近衛中將、公卿補任尋陞大將、兼陸奧出


羽按察使、十二年、轉大納言、敘從二位、十四

大日本史 卷一百三十一 夕傳 四

年拜右大臣、陽成帝即位、年尚幼、令基經攝政、如忠仁公故事、元慶元年、辭大將、帝使大納言南淵年名賣表白太上皇、太上皇敕曰、萬機之寄、不可限以一職、宜從其請、然腰底忽空、武備茲闕、願特賜帶劔、嚴其儀容、乃出金銀裝寶劔一口、授年名、帝即日賜基經、罷大將、秋以旱乞罷攝政、優詔不許、二年、敘正二位、賜隨身兵仗、以蝦夷擾邊、辭又不許、四年拜太政大臣、○按、公卿補任、愚管鈔、大鏡裏書、一代要記、並云、十一月

八日基經改攝政為關白、今以三代實錄無關白之文不取、明年敘從一

位、退居里第、累表辭職、不許、至是、公務有所壅滯、公卿胥議、使辨大夫就直廬取決、後遂為故事、帝加元服、上表歸政、不聽、增給職封職田、資人雜俸、辭不受、特敕任人給爵、准三宮、如忠仁公故事、三代實錄及帝稍長、昏狂日甚、作廐禁中、飼馬三十匹、號北邊院、三代實錄、參取江談鈔右馬少允小野清如、以善養馬被寵、權少屬、紀正直好道術、出入禁中、蔭子藤原公門



侍奉階下、常被驅策、而清如最多、不法、基經

悉逐之、三代實錄帝猶不悛、捕蛙捉蛇、或鬪犬猿、

令人升木、而培殺之、世繼物語祈年祭前、手刃人、

玉海承安二年基經深憂之、欲行廢立、廢太子恒貞、

素有賢行、基經心欲立之、乃微見其意、恒貞

拒而不納、恒貞傳更求諸皇子、無可者、古事談、世

繼物語初時、康親王赴良房大饗、奉膳者遺尊

者、雉足、遽取供親王者、羞之、親王神色不渝、

滅燭掩跡、基經適見之、深服其雅量、從是常

屬意、大鏡至此、詣其第、通謁、久之、出見、進止安

詳、被服雅素、徐曰、何故見過、基經以為有人

君度、世繼物語、參取古事談因陳推戴之意、親王許之、

乃刻日而歸、既而入宮、佯奏曰、臣將使競馬、

請臨觀之、帝悅曰、期在何日、曰、後二日、世繼物語

大計已定、會公卿告之、衆論紛紜、左大臣源

融曰、求宗室之胄、融等尚在、基經曰、固也、然

自古未有賜姓為臣、而登天位者、大鏡、古參事談

議、藤原諸葛按劔叱曰、今日之事、不依太政

大臣處分者斬、羣議乃定、玉海承安二年及期使老

羸不堪事者從駕、至陽成院、奏曰、陛下狂虐、

君德有闕、臣等為社稷計、遷乘輿於此、帝聞

而大驚、號叫悲悔、基經率百官迎立、時康親

王、是為光孝帝、世繼物語帝即位、念定策之勲、禮

遇愈渥、聽駕輦車出入宮中、敕諸道博士、勘

奏太政大臣職掌、基經益抱謙挹、屢求避位、

帝特降敕、萬機仍舊、先稟基經、而後奏下、尋

請使源融、源多代已秉政、不許、三代實錄仁和元

年、圖年中行事於障子、獻之、年中行事鈔賜攝津

為奈野為遊獵地、是歲敕許節會、不就班、而

直昇殿、又賜宴內殿、賀其壽五十、張樂徹曉、

賜馬五匹、冬夏衣各五襲、卧具屏風、又為度

僧五十人、三代實錄帝多皇子、然憚基經、未言所

立、三年不豫、基經入卧內、奏曰、陛下萬歲之

後、神器將付阿誰、帝曰、唯公所擇、基經曰、以

臣所見、其惟王侍從乎、王侍從者、定省也、帝

大喜、召定省、右執其手、左執基經手、泣曰、大

臣勲勞莫大、汝謹勿忘。愚管基經出率百僚

上表、請立皇太子、遂立定省為儲貳、帝崩、三代

實錄太子即位、是為宇多帝、即日手詔宣遺敕、

褒夾輔之功、扶桑略記尋詔百官、萬機巨細、皆關

白太政大臣、而後奏下、政事要略、扶桑略記、愚管鈔一如

故事、政事要略、愚管鈔關白始于此、濫觴鈔基經上表

乞歸政、不許、詔曰、社稷之臣、非朕之臣、宜以

阿衡之任、為卿之任、左大辨橘廣相筆也、時

疑阿衡之任、眾議紛然、政事要略、扶桑略記藤原佐世

故謂基經曰、阿衡無典職、何得關白庶務、遂

不示官奏、政事要略、愚管鈔○十訓鈔曰、或告基經曰、公豈罷

然則我聞人而已、何用之事聞、帝令諸博士

勘阿衡職掌、北山鈔中原月雄善淵愛成等皆

言、阿衡者三公也、坐而論道耳、基經奏曰、國

家之事、一日萬機、而自去年八月迄于今日、

未奏太政官所申之政、臣伏奉去年十一月

二十一日詔書、萬機巨細、關白於臣、上表辭

謝、不敢曰當、又奉同年閏十一月二十七日



勅旨宜以阿衡之任爲汝之任、臣未知阿衡之任、仍持疑久矣、伏聞左大臣令明經博士等勘申云、阿衡之任、可無典職、以其無典職、知阿衡之爲貴、以臣比擬、非所克堪、抑至于無分職、暗合臣願、伏請早仰執奏之官、莫令萬機壅滯、於是紀長谷雄三善清行、與佐世評論官制沿革曰、殷世阿衡、卽周官三公、三公無典職、經史有明文、不可復疑、帝令廣相佐世月雄廷議、左大臣源融判之、佐世欲堅

執前議、融依違不能裁斷、節適盛暑、帝頗厭倦、公卿憚基經、皆稱病罷去、時機務壅滯、既久、諸司抱憂、帝遣融就基經第、依前詔而行、機務基經曰、阿衡職掌、其議未決、臣不能奉明詔、融還奏、帝不悅、融曰、太政大臣久不聽政、可患也、請改後詔文、不然恐有不測之事、帝不得已、遂宣詔百官曰、太政大臣援立先帝、保護朕躬、功大德高、遠超周霍、累代聖明、猶仰輔弼、矧朕小子、何不倚賴、故去年下詔、

關白萬機而大臣上表堅執間退之志朕欲  
 庶事仍舊關白于大臣而左大辨橘廣相草  
 詔失朕本意遂令大臣持疑不肯視事天下  
 之務盡皆壅滯自今以後應奏之事應下之  
 事必先諮稟太政大臣朕將垂拱而仰成管  
 原道真亦贈書解喻基經遂奉詔政事要略寬平  
 元年聽乘腰輿公卿補任紀腰輿作輦車誤二年疾  
 帝將臨視固辭乃止及困篤乞解職優詔允  
 之賜度者免罪囚以禳之管家文草明年薨年五

十六輟朝三日贈正一位封越前公謚昭宣

公卿補任食封資人并如生時愚管鈔歷代皇紀置守冢

一戶列荷前例幣之數延喜式基經在職續密

祇畏恭事神明每遇災異屢乞歸政不被俞

允則側身修職思答天譴清和朝總攬萬機

務在濟益吏稱其職人賴其慶朝廷無事內

外肅然敦崇儒術釋奠之日率公卿拜先聖

使明經博士講周易三代實錄元慶中奉敕撰文

德實錄十卷本書序秋田城司良岑近貪婪誅

求無厭、蝦夷叛亂、北邊騷擾、基經憂之、薦右  
 中辨藤原保則兼出羽權守、委以閩外之任、  
 卒能討平之、然保則終不蒙賞拔、近亦無黜  
 罰、時人譏其勸懲失方、三善清行所撰基經  
 嘗侍內宴、偶著清和帝所賜御衣、時帝遜位  
 居水尾、基經因賦詩曰、醉望西山仙駕遠、微  
 臣淚落舊恩衣、聞者感嘆焉、江談基經幼時  
 從仁明帝幸芹河、帝偶遺箏瓜、時扈從人衆、  
 帝察基經敏慧、召而謂曰、料唯汝能得之、可

歸而索也、基經茫然、不知所為、心誓曰、若得  
 之、則建一伽藍、果得之以獻、帝大悅、因創極  
 樂寺、大鏡參取裏書初居枇杷第、三代實錄後往來堀河  
 院間院二第、堀河院地勢寬敞、大饗賓宴則  
 於此、其齋戒及延親昵、則於間院、世稱堀河  
 大臣、大鏡子時平、仲平、兼平、忠平、大鏡裏書時平自  
 有傳、兼平宮內卿、善彈琵琶、世稱琵琶宮內  
 卿、尊卑分脈仲平、仁和三年敘正五位下、累遷延  
 喜八年任參議、十七年為中納言、延長中轉

大日本史 卷一百三十一 列傳 十一

大納言兼右近衛大將承平中遷兼左近衛  
大將尋拜右大臣敘從二位兼藏人所別當

公卿補任七年轉左大臣大將如故天慶二年敕

許節會不就班而直昇殿聽乘輦車出入宮  
門數年進正二位兼東宮傳八年薙髮改名

靜覺薨年七十一公卿補任日本紀居枇杷

第世稱枇杷大臣公卿補任日本紀居枇杷

庫居宅地四分之三江談鈔而資性溫雅人皆

稱之其為左大將時司天奏有星變咎在大

將右大將實賴惡而禳之或告仲平請禳仲

平曰是移咎於彼冀自免也實賴年少才高

奉朝之日尚多我老矣生無益於時死亦何

所損聞者嗟嘆今昔物語

忠平幼聰慧基經將建極樂寺往相其地忠

平陪乘指一所曰大人欲創佛閣則莫過于

此基經視之則地形實絕勝因言曰當以是

為汝後來營構之地我業已別有所定自是

心竒之大鏡寬平中敘正五位下任侍從兼肥

後權守昌泰三年授參議奏請讓于叔父右  
 兵衛督清經因為右大辨延喜初任參議兼  
 春宮大夫左兵衛督補檢非違使別當尋敘  
 從三位任權中納言補藏人所別當兼右近  
 衛大將數年轉大納言遷兼左近衛大將十  
 四年拜右大臣公卿補任十九年賜宴其家賀壽  
 四十日本紀略延長二年敘正二位轉左大臣明  
 年兼東宮傅公卿補任初兄時平撰延喜格式未  
 及成薨忠平踵成之愚管其格十二卷式五

十卷

日本紀略延喜式

朱雀帝即位詔忠平攝行萬

機

日本紀略公卿補任

基經薨後不置攝政關白至是

以帝幼冲復置焉

神皇正統記

累表辭讓不允賜

隨身兵仗內舍人二人左右近衛各四人承

平二年敘從一位聽乘牛車出入上東門六

年拜太政大臣攝政如故

公卿補任

天慶二年准

三宮如忠仁公故事聽輦車是歲以年滿六

十敕六寺誦經禱壽太政官僚屬及延曆興

福諸寺亦為修之

日本紀略

四年罷攝政為關白

一代要記

攝關傳、宣詔萬機巨細、關白太政大臣、然

後奏下、一如仁和故事、七年、遘疾、賜度者五

十人、

公卿補任日本紀略

村上、帝即位、乞避職、不許、

朝本

文粹

天曆三年、表請致仕、

九曆日本紀略

遣右近衛中

將良岑義方、就第敦諭、不許、

公卿補任日本紀略既而

病篤、帝憂之、遣藏人頭藤原有相、賜度者五

十人、忠平謝曰、自古人臣、因病賜度、皆有功

國家者也、然亦不過一二人、臣頃年以來、屢

罹衰痾、職事廢滯、而今蒙罔極之恩、不知所

奏、又敕十六寺、諷誦禱之、九曆日本紀略病彌篤、再上表

致仕、

九曆日本紀略

遣右近衛中將源雅信諭之、不

許、

日本紀略

賜度者三十人、大赦天下、八月、薨于

小一條第、

九曆日本紀略一條第據紀略

小年七十、

日本紀略榮華

物語

世稱小一條太政大臣、

大鏡帝悲悼、輟朝三

日、葬法性寺、遣大納言源清蔭、中納言藤原

元方、參議源庶明、贈正一位、封信濃公、謚貞

信、敕入荷前例幣之數、日本紀略忠平寬厚慈愛、

及薨、朝野莫不惜之、

榮華物語

與兄時平仲平竝

登袞職一門烜赫時人謂之三平鏡大初醍醐

帝嘗召相工於宮中相太子及左右大臣相

工視文獻太子曰容貌過美視時平曰智數

過多視道真曰才能過高皆非全福之人時

忠平在下坐相工回覓坐中遙指點之曰神

識才貌無不協吉久奉朝家保榮貴者其惟

此人乎宇多法皇雅欽忠平風度聞相者言

益重之以子願子女王配之古事談○大鏡

高麗忠平與二兄見之相者所言粗與此天

曆中二子實賴師輔為左右大臣父子同時

並列三公榮貴顯達世無與比榮華忠平雅

與管原道真善及其貶問遺不絕不以時平

之故生嫌其夷曠如此愚管宅邊有宗像神

社忠平往來必下車一夕神憑曰位卑矣數

煩公敬屈實所不堪忠平為奏陞正一位鏡大

子實賴師輔師保師氏師尹尊卑分脈○按

輔為序今據公實賴師輔自有傳師保從五

位下尊卑分脈師氏至正三位大納言世稱桃園

公卿補任、好和歌、集曰海士、手古良、御鈔、師

尹至左大臣、正二位、薨、贈正一位、公卿補任、世稱

小一條左大臣、大鏡、榮子、濟時、藤原系圖

濟時、康保中任右中辨、補藏人頭、安和初為

右近衛中將、敘從三位、尋為右兵衛督、拜參

議、天延三年任權中納言、貞元二年代藤原

兼家、兼右近衛大將、永延正曆間任大納言、

遷兼左近衛大將、尋兼陸奥出羽按察使、至

正二位、公卿補任、世稱小一條大將、大鏡、公長德

元年薨、年五十五、公卿補任、藤原忠輔好仰

天、濟時戲之曰、天象有何異、忠輔應聲對曰、

星犯大將、濟時惡之、無幾寢疾、遂不起、初三

條帝在儲位、將納濟時女、娥子、命下之日、濟

時意望許、輦車詣關白、兼家言其情、兼家曰、

諾、當為卿奏請、濟時大悅、以為所請必得、拜

舞出、而輦車之命竟不下、時人呼為空拜、大

將、蓋以其庭有紅梅樹、假借嘲之、江談鈔、拜

音相、及娥子立為皇后、追贈太政大臣、大鏡、華

二





